



28. september 2010

Inatsisartut suleriaasiat § 36 immikkoortoq 1 naapertorlugu Naalakkersuisunut imaattumik apeqquteqarniarbunga.

**Naalakkersuisunut Apeqqut:**

**Sisimiuni Heli-Greenland-ip heliporti-toqqamik atuilernissamut qinnuteqarnermini, Naalakkersuisunik itigartitsinermut tunngavilersuutigineqartoq ilumut eqqarsaatigilluagaanerluni?**

**Kalaaleqatitta nunaqavissut inuussutissarsiutitigut nunatsinnut iluaqutaasussamik siuarsarusussusillit, pisortat suliffeqarfiutaasa amigartoorutaasumik ingerlatsinerat piinnarlugu, ilumut ineriartornissaanut aporfilersuiniarneq pissusissamisoorpa?**

**Mittarfeqarfinnut aningaasat annaaneqassangatinneqartut qanoq annertutigisut pineqarpat?**

**Sillimaniarnissamut tunngasut sorphiaat Heli-Greenland-ip naammassisimannngilaat imaluunniit sutigut navianartorsiortitsisinnaanerat ernumassutigineqarpa?**

(Inatsisartuni ilaasortaq Malik Berthelsen, Siumut)

**Tunngavilersuut:**

AG nr.38-imi atuarneqarsinaavoq Sisimiuni takornariaqarnermik sullissiniartut heliport-itoqqamik atuinissaminnut qinnuteqaataat Naalakkersuisunit itigartinneqarsimasoq, annerusumik tunngavilersuutigineqarluni pisortat Mitarfeqarfiannut unammillerneqarnissaq kissaatigineqanngimmat aammalu Mitarfeqarfiit amigartooruteqarlutik ingerlanerat pissutigalugu. Ila tupinnaraluttuaq!

Ukiuni makkunai Naalakersuineramik suliaqartugut annertuumik kissaatigisaraarput nunaqavissut nammineersinaanerulernissaat namminnerlu nunaminni sutigut tamatigut suliffeqarfinnik ingerlatsisuulernissaat. Taamaattumik tupinnarpallaarujussuaqaaq pisortat suliffeqarfiutaasa unammillerneqannginissaat piinnarlugu innuttaaqatigut piumassusillit nunatsinnullu siuarsarusuttut pisariaqanngitsumik aporfilersorniarutsigit!

Kisernaassillunimi sumiluunniit ingerlatsineq inuiaqatigiinut peqqinnartuunngitsaq unammilleqatigiinnerlu tamanut pitsaanerpaasoq kialluunniit nalunngilaa.

Takuinnarsigit Brugsen Pisiffillu ullut tamaasa pisisartoqarneqqusaallutik neqerooruteqartut tamatsinnut iluaqutaasoq.

Itigartitsinermut tunngavilersutigineqarmat Mitarfeqarfiit unammillerneqaarnissaat Naalakkersuisunit kissaatigineqanngitsaq, tamatumunnga aningaasat ernumanissamut patsisaatinneqartut qanoq amerlatigut eqaartorneqarnersut paasersukkaluarapara?

Tunginniit Mitarfeqarfinnut unammillernissaq akornutissaqartinngikkaluarlugu erseqqissaatigerusuppara Mitarfeqarfinnut aningaasatigut akornutaanani iluaqutaaginnassammat. Pissutigalugu takornarissat Igloo Mounatinikkut Heli-Greenland-illu sullittagassaat pinngitsooratik

Kangerlussuup Sisimiullu mittarfiinut meqqaartartussaammata imalunniit umiarsualivimmut taleqqaartartussaallutik. Taamaattumik itigartitsineq allamik pissuteqanngilaq aallartitsinianik naalleraaniarnermik.

Politikkikkut suliaqartuusugut inuussutissarsiutinik nutaanik suliffinnillu pilersitsisussat malittarisassanik eqquutsisimappata tapersersortussaavagut, aallartisarnerrannilu pisariaqartitaannik oqilisaallugit imaanngitsoq Pisortat suliffeqarfiinut unammillinninnissaat piinnarlugu pisariqanngitsunik nukinnik atuinissaannut aporfilersussagigut. Heli-Greenlandimmi Heliport-itoqqap atorniarnernut patsisituasooq ataasiinnaavoq, tassalu Mittarfeqarfimmi helikopterip eqquussarfissaanut inissaqanngimmat sananissamullu periarfissatuaasooq akisuallaaqimmat, allamik naamik. Heliportitoqarlu Qeqqata kommuniata innersuussinera tunngavigalugu atorniarneqarpoq.

Inuussutissarsiornermut Naalakkersuisup Angallannermullu Naalakkersuisup pilersitsiniat toqqarlugit oqaloqatigisareeramikkitt malittarisassanillu tamakkiisumik malinnissimappata 100%-imik tapersersorniarnarlugit neriorsortareeramikkitt tapersersuinertik oqaasiinnaatissanngikkunikkit qinnuteqaataat akuerisariaqarpaat.

Nuannaarutigisariaqarparput	kalaaleqateqaratta	pilersaarutinik	annertuunik
takorluugaqarsinnaasunik	takorluuiinnaratilli	takorluukkaminnik	ilungersorlutik

pilersitserusuttunik.